

四庫全書

集部

欽定四庫全書

江湖小集卷五十九

宋 陳起 編

周文璞詩集

瞿塘神君歌

黃衫紗帽佳少年  
炯然餓虎窮山淵  
不居秦鹿祖龍畔  
却走碧雞金馬邊  
左手斜執巨靈鑿  
右手敬抱禹貢篇  
離堆順流已受命  
一下不打天吳鞭  
有時挾彈莫雲表  
有時蹴踘春風前  
有時却自著絳帕  
走入藥市尋神仙

為人早似李太白學道定似葛稚川孫翁走避垂崖叟  
遣僕送畫不取錢神君廟食與畫像千古萬古當流傳  
我昔夢上神君殿偶值蓬萊衆真冥洛陽開盡姚黃花  
銅駝陌上難相見

清明日書事

蒼弁一如楚執珪思想越嗙身自低澗水又如古智士  
縱橫流轉又滑稽雜花半開已倏落如怨曠女離深閨  
幽禽自呼復相命如譴逐魄傷窮棲而我自是不羈者

行行踏破青萋萋，今回蕩槳苔雲溪。  
與野老輩相扶攜，園池亭墅游歷遍。  
自對蜀錦傾偏提，興闌徑走歸第舍。  
同沃浮蟻烹村雞，百五之後最寥閒。  
獨過趙灣西更西，野夫不知時節換。  
但要熟醉與春泥。

雲根

雲從會稽生，旦旦見伯禹。  
聽讀山海經，成龍不成虎。  
禹命雲歸歟，可命戴山去。  
昂昂王內史，眉宇照今古。  
常在此盤旋，深藏無處所。  
王孫江海人，雲根自栖霞。  
翦招邀玉

葉來以石為伴侶既從衣上浮只就茶裏煮不入晉家  
池肯作秦望雨兩儒一支郎不學世間語吳儂哦五字  
坎壈酸澁苦併送山人中約束雲下去

聽琴

向人猶抱舜文絃不信書生不值錢彈去履霜空作惡  
一林風雨已鳴蟬

寄友人

流落他鄉鍛羽翰半年寧復寄悲歡夜轉樓鼓思成角

朝見江船念客鞍，不恨形體老間里。遂令唇舌滿長安，  
寄聲好在文章友。目送春雲自倚欄。

雨

雨意遽如許，雲容亦可憐。聲聲總斷續，滴滴更勻圓。  
道院燒香地，山房焙畫天。故園無恙否，潤色到瓜田。

陰山

陰山祠下月如霜，不為吟猿斷殺腸。折得橙花無處賞，  
帶枝分與棹船郎。

新亭

諸君收淚已無言  
烟外中原草色昏  
老子歸來坐廊廟  
短轅車上欲消魂

法寶寺

細竹千竿殿影斜  
龍顏曾此著袈裟  
寺樓杳杳鐘聲度  
疑有宮娥出晚花

戒壇

相君孫女小乘僧  
身入祇園佛律行  
三級戒壇秋色冷

箇中螻蟻亦長生

桓野王像

朝來三弄清溪笛  
嘆息歛歛太極箏  
悵斯人風味減  
江花江草不勝情

玉晨觀二首

野筍衝泉出山花  
避石開余方有公  
事不為等閑來  
羽扇臨元寺霓衣  
上醮壇九松枝葉  
冷千葉杏花殘

寒食有感三首



生平參道術歸事大茅翁持鑰開金匱  
焚香立玉童黃麟來地上朱鯉出江中  
今在桁楊畔依依睡晚風

清明好時節傲吏小詩家失意因流水  
傷心為落花人歸知事盡日落見山斜  
明月三义路村醪亦自佳

亭午步江臯誰云命不遭愛風吹蛺蝶  
怕雨爛櫻桃鑽火烹新乳槌門覓小槽  
今年奇事少塵滿舊征袍

桂

偶向花邊立懸知病已瘳小山今夜月  
團樹滿庭秋清

露霑叢底斜河在上頭  
須臾香更好還與碧雲浮

自笑

自笑蕭條甚微吟坐到昏  
江風來掃地山鳥見開門  
茶面龍頭縮花梢犢鼻溫  
一從杯酒少不復過深村

攜李道中二首

吹徹鵝笙醉碧桃  
古城斜日泛輕舸  
此行憶著經行處  
綠樹黃桑一樣高

臥龍山下聽吟松  
細雨清明似夢中  
柳蔭朱欄三百尺

渴鳥猶自泣江風

梅梁歌

文命殿角東北左上有梅梁鉄交鑠傳聞舊時枝葉生  
木質鱗身無不可有時正練離朱拱歸帶濕萍光欲動  
低頭下及非領泉奮髯直入陽明洞旁觀但怪香火濃  
頃刻即令風雨送爾不見飢鳥啄鼓來饋食走入嵩高  
化為石機祥禍福倘或是陰陽幻變誰能測玉筍觀白  
玉掛梁含元追下流血柱異事苟逢博物問後來那得

詳其故卷丹雲凝素霧玉簫九成奠雕俎登歌升降只  
仰俯嗚呼梅梁勿飛去

題胡女騎

燕山雪花一尺飛胡人胡女夜打圍海東青過流沙西  
黃頭郎主獨自歸創殘狐兔懸氈車疲憊鷹犬聞笳悲  
君不見自從石晉納書款白溝河湑作邊面

東陽道中

野店梢頭起竈烟江雲弄色半晴天暗泉遠砌喧人語

遠燒侵林照客羈  
晚日未收雞上樹  
春風欲度鳥耘田  
布帆無恙歸心穩  
纔到家山又迫年

鳳門泉

石根两眼北風吹  
乳竇潛通御井邊  
飄出宮花人不識  
又沿衰草下山前

寒食曲

今年寒食好天色  
遊人踏青行不極  
尋山不憚千里遠  
往往啼號濕松栢  
一杯纔酌墳上土  
祇就墳前便歌舞

故鄉自有惱懊聲  
揜腰羊皮小番鼓  
吁嗟悲歡一餉間  
但愁死人不能語  
君不見北客紛紛俱落南  
青邱望斷白雲漫  
影堂逢節具飲食  
魂魄夜行溪谷山

賞春二首

滿酌黃封都市酒  
斜簪縹帶御園花  
半酣更乞跳珠水  
獨對風爐自煮茶

賞春社裏鼓逢逢  
尚恨聲同調不同  
我亦明朝苦無事  
更來吹笛亂山中

春懷

棠梨未落柳絲長  
料望幽人作斷腸  
已自不堪田父飲  
更能重入少年場  
山連莽莽荒陂白  
門掩蕭蕭野日黃  
想得故園疎雨外  
樽前催拍杜韋娘

暮雨

暮雨瀟瀟郎不歸  
尊前誰憶舊歌詞  
望夫烏臼濃於染  
黃葉驚秋恨欲飛

即事二首

樂使金花鼓蠻衣紫錦鞍蕃官船過界驛吏報平安  
龍護朝元閣鶴棲封禪臺中原垂白叟只望羽書來

題堯章新成山堂

早將心事付漁樵若被幽人苦見招多種竹將挑笋喫  
遍栽松待斫柴燒壁間古畫身都碎架上枯琴尾半焦  
猶有住山窮活計仙經盈卷一村瓢

題盧中之羸網圖

昔日三郎騎爾祖廟食太山可辛苦後來崎嶇蜀棧間



弃置龍媒復親汝深山古木雪漫漫險途十步九步艱  
網頭呪囑勿損折要爾助軍身補官

贈相士丁日宣

張公謂予可神仙薛顛謂余可英傑丁生謂二皆無成  
世間安有此竒絕麒麟閣上冠貂蟬龍虎鼎內治大丹  
興來一笑掃燕騎回首已自升雲端何如只向松江渡  
楊柳影邊茅屋住臥看蒼虬挾白雲卷取秋濤過江去

弔黥卒

吾作窮竒白下囚，汝披短褐從吾遊。  
蔣侯廟畔沽春酒，周處臺邊送客舟。  
械欲破時應日慘，命將絕處亦天愁。  
江陵柳大如知此，對著官軍輒淚流。

楊孟博挽詞

向來洛下老書生，今見諸孫更老成。  
不復秀才趨試院，已題文學上銘旌。  
泛觀今古人亡恨，只有英雄命莫爭。  
來弔乍聞妻子哭，依然認作讀書聲。

贈隱者

袁三柳大劉廿八長到先生卜肆邊  
便拜逸妻為嫂氏  
更沽村酒作家筵  
山公馬在何須爾  
林屋丹成亦偶然  
獨此老身無藉賴  
為他人擲卦文錢

劍客行

燕雲大長著柘黃  
仁人烈士集太行  
已聞泣涕拜明詔  
共挾金輿歸大梁  
安得山人一雙劍  
走入雲中看不見  
人間夜半風雨時  
渠魁首奏延和殿  
我生四十無所成  
荆淮好漢為知音  
丈夫志在仁義耳  
麟閣貂冠非本心

功成劍化兩龍去我亦變名入烟霧此時再來康山人  
九霄客星在何處

書事

說戰猶能聽聞屍不忍過役夫愁似鬼病馬瘦於駝甚  
欲參經緯其誰出揣摩中古有遺老亡奈檄書何

見泗州降者

纔自降兵便守邊大家齊數中興年姑蘇寺裏相逢處  
為爾呻吟一悵然

感興七言三首

寥寥古意少人傳，莫為薰琴只五絃。  
夫子縱心方學易，我曹何意便談玄。  
神馳洙泗身將老，望斷沅湘眼欲穿。  
月白風清如此夜，阿郎不肯上釣天。

在家莫羨出家僧，擾擾營營竟未曾。  
相國舟中龍奪劍，山人吟畔鬼吹燈。  
從來不肯尋真訣，更自無心學大乘。  
漢室諸公鳴玉佩，也須還我一枝藤。

夜夜推敲學苦吟，一無鍛鍊假黃金。  
石間真隱何時出

地下詩狂無處尋，獨鶴向知長袖舞。  
哀猿空作斷腸音，故墟杞菊今何似。  
桂落小山春水深。

題天童全老

天童寶樓閣，銅釘敞朱扉。  
一老燒香後，諸禪乞食歸。  
天聽塗毒鼓，神捧苾芻衣。  
說了村夫偈，依然入紫微。

送人之金陵

江山不逐寒朝晚，陵墓猶含古木春。  
君入臺城須訪問，箇中定有六朝人。

送道人歸茅洞

三君乘白鵠各在一山椒  
子去穿茅洞人方采藥苗  
花連雲氣近松轉水程遙  
想得尋幽侶空歌散午朝

中秋日遊能仁北寺兩刹

輕雲漠漠烟漫漫杖藜扶行不作難  
無量壽佛像最古未曾有經碑亦殘  
秋花泣露顏色好客子著雨衣裳單  
題詩寫寄莓苔壁勿使俗人相對看

贈虎丘僧道輝遊天台二首

世讚碑人換穹龜上綠苔琵琶不可聽樓閣更堪哀竹  
動禪僧入梅香凍雀回闌幽繡內典日晚未歸來

少小即精勤叅禪復著文香薰滬瀆像茶酌武丘墳入  
定山猿見吟詩海鶴聞幽情正迢遞又拜石橋雲

西湖卽事

閑看浮鷗棲曲渚倦隨奔鹿上荒陵松門雨過長廊靜  
一架藤花供病僧

宮人斜



魂魄淒涼掩暮塵  
野花山葉自精神  
年年中使頭邊過  
暗裏相看似路人

上強寺

方池流水碧溶溶  
悵悵靈蛇不易逢  
門外行人常立看  
一株唐末半枯松

太湖

太湖我污池  
茂苑我林莽  
橘柚我堆盤  
鱸魚我登俎  
區區為蘋花  
移去溪上住  
終當賦歸歟  
來此臥烟雨

寫懷二首

吾聞唐諸僧往往多人傑有攜至崑廊可並夔稷契偉哉寒山子拾菜衣百結其文似離騷但自寫木葉往時陸荆門自是天下雄徒隸解散盡何處尋樊翁遂令一世士默默逃虛空至今大堤上葉葉皆春風

九溪十八澗

九溪十八澗冷見帝青臺洗足僧書石臨流客放杯按頭似葉響身畔野花開百六辭歌吹清遊始一回

弔辨才二首

讀了碑文讀祭詩  
冷看遺像立多時  
即當嶺上生雲處  
山鳥心花憶老師

坡使參寥滴奠茶  
定將老淚濕烟霞  
誰知走入靈山隊  
又對閑人說法華

西湖小隱

先帝何曾寵倖臣  
家園籍沒幾經春  
一丘賜與嬋娟魄  
教主西湖似洛神

麴坊

麴坊纔盡上湖船  
笑問雲山欠酒錢  
兩行柳絲黃不斷  
不知身在御園邊

壽星老問子規二首

子規欲歸歸未得  
啼向錢王壽星石  
月明思盡不知疲  
只怪晚山深似碧

莫向空山惱病僧  
莫雲臺殿夜鄉人  
多時不識巴江路  
守著濃花哭過春

分夢泉

偷得兩泓清同他猿鳥喫上下泉邊身上下床上客相對各相忘山中小花白

隱者居

密竹綠坡便當籬野泉入戶自花池床頭一卷麻衣易更有寒山拾得詩

逸士墳

魂魄歸散兩遙道小小邱亭慰寂寥守墓未須耘宿草

白蟾方護紫芝苗

夏日偶題

溪友相呼上釣舟  
藕花菱葉思悠悠  
好詩已在前山處  
寫放參寥石井頭

謝頤田見過

雲卷道老方晝睡  
有僧奚為入桑杞  
惠然相過窮壑底  
共談僊流佛宗旨  
二家之風亦頽靡  
吹而颺之誰為起  
寒灰煨芋香透紙  
呼童就鄰一盍米  
作糜煮菜相料理

吾窮于世無比擬殷勤相覓有吾子謾書七字聊送似  
往供天嬪泣山鬼

望茅山六言三首

羽衣藥叟歡迎手執蘭花共行從此十年不調可能久  
視長生

昔年唱采芝歌已老頭顱奈何不見颯輪碾變白雲出  
沒常多

蔣兄家弟清古著書互相推宗搏土劃沙戲劇穿崗度

嶺從容

寄山中道友三首

玉函捧上五雲堆  
著意通幽此一回  
三十年來增悵望  
更無人上望僊臺

恣恣山信寄來時  
中有黃庭七字詩  
已死華顛無覓處  
幾回吹斷玉參差

憶得尋山復出山  
綠楊時候莫春間  
至今只有游仙夢  
長與松風自往還



初營鳳山

香草參差種幽花  
逐旋移既添醒酒石  
須著放生池  
春在年年好山來  
處處竒吹簫吾不解  
長嘯却相宜

梅谷

香焰雲頭玉雪身  
緩行微詠岸烏巾  
始從谷裡看修竹  
却向水濱逢麗人  
客子去時方得月  
嶺猿啼後便無春  
鳳凰欲下簫聲緊  
狼藉瀛州萬斛塵

法華小隱

偃蓋著地臥清瑤  
傍渠走散入流觴  
壺轉若珠曲九淙  
淙不知休還赴石  
鯨口灣深合巨澗  
橫橋傍蒲柳來看  
莫春餘衆綠濃似  
酒摩挲蘇陳刻愈  
覺歲月久寺僧愛  
月焰捧送貴侯有  
至今星散各自開  
戶牖自棄眠雲身  
誰縛釣月手夕陽  
令我歸為爾重搔  
首

既離洞霄遇雨却寄道友

凡骨何堪得再行  
渴心猶要謁通明  
驚聞竹樹連山雨  
疑有風雷掣地聲  
鹿啖黃精知歲久  
人逢青箬便神清

重來只要齊孟飯副以常堂枸杞羹

題曹武帝削瓜圖

阿瞞瓜分姿見之垂髫中此心既弗又此道安可洪漢  
祚既墜地餘子方困窮仁義儻自唱歷數豈不同挾令  
及宮闈殺士延奴童至今弔古徒哀痛殊未終實以已  
偏仄遂令彼長雄畫圖出後世畧見經營工想其鼎峙  
勢亦天誘其衷此章弗徒歌聊以禪國風

題蔡武伯所藏荆公硯

獸面鼎足恭回互中有潤澤比雨露當年曾出富國疏  
老子平生用心處帝謨商頌周六典刻畫聲形勞解詁  
至今文字與風騷一一相輝炫緗素如聞四海失枝梧  
可憾諸公欠調護誰今天乎遽如許可是石也能無預  
陳元同歸蔣山路亦使高人野僧覩若為持入定林中  
應有明雲入天柱吾鄉風流蔡夫子匣而藏之美無度  
君不見公卿後進陸象山作祠堂記餘千言直欲百世  
俟聖賢惜哉不得銘此硯使我失意心惘然

歸別墅

幽棲久不到，猿鶴擅藤蘿。  
叢篠生將遍，流泉咽更多。  
鄰翁新釀熟，野寺暮鐘和。  
亦有經行者，來觀倚杖歌。

早起

佛香纔了換儒巾，身是人間自在身。  
一路野花清養目，半溝流水靜怡神。

雨宿山中

留連如有情，蕙帳極空明。  
晚粥知泉味，昏鐘度雨聲。  
稍

容林叟睡莫放曉猿驚刺欲剗苔蘚應當寫姓名

再遊九溪

昔年九溪十八澗今度見之逾清真  
靜依落落石路晚  
閑繞寂寂山家春  
可憐潺湲似留客  
更覺曲折能隨人  
得得杖藜來盡日  
野棠山杏亦精神

偶題

海氣江聲相與浮  
今時帝里舊杭州  
西湖寺裏多金碧  
自厭穠華不肯遊

送人之官嚴陵

如君風貌又精神自合拖紳近紫宸  
平地有心開洞穴十年無俸著閑身  
已看青舫垂垂去須憶緋桃灑灑春  
若向元英臺下過為言亦是學詩人

與弁山道士飲

采茗歸來日未斜更攜苦菜入仙家  
後園同坐枯桐樹仰看紅桃落澗花

不欺齋

四首皆為陳將軍孫作

陳兄榜名不欺齋不欺本自誠中來晚周洙泗漢伊維  
中間此道寒如灰不欺齋中一尊酒兄乎此意差耐久  
真情往往到僮僕何況親知與朋友君不見湯脫胡桃  
一語失此是迂翁年少日陳吾再拜吾事畢

望雲亭

淑氣槃槃接九原須臾鱗合更瀰漫自從蒿里無顏色  
來到鍾山有淚痕往者英雄俱雨絕後來哀痛欲河翻  
夜深月照長松下誰見孤飛出墓門



敬思堂四言

有亭中央高丘之傍父兮母兮堅深埋藏厦屋淒涼宰  
木成行春秋烝嘗酒漿牛羊身體俯偃雖勞弗彰心志  
替亂雖煩弗揚欲求幽陰茫茫洋洋兩間四方實繫我  
腸何以照之明神后皇凡今之人誰同慨傷

陳將軍哀詞

扞環城兮保赤子歸王所兮執弓矢雖有妻子兮不如  
兄弟嗟全家兮南向而死護行殿兮卧旗鼓統伍符兮莫

余悔故宮蕪兮胡作哀將軍兮鬢垂素氣力絕兮委塵  
土後來孤童兮不勝惻楚天陰陰兮春寂寂曰余兄兮  
有廟食偕友于兮往作配駕鐵駟兮載雲旆山中人兮  
望余歸江颺翔兮花亂飛

弔清溪姑詞

清溪之濱有小廟焉相傳以為溪神蔣子文之妹也旁  
二偶人陳叔寶宮人也癸酉歲或言有妖据之郡太守  
毀三像于溪中而犁其廟彼亾國妃嬪可棄也姑不可

棄善惡無別而廢者古今不可勝數也何獨此哉因感  
之為弔詞曰

投余兮綠波彼土偶兮奈何余魂兮無依依余兄兮山  
阿兄姿兮甚雄青骨兮朱弓稱天兮訴余冤令讒夫兮  
不終

水仙廟鼓吹曲四首

水滄淪兮不揚山嶽岑兮多巨石神來下獨春仰昂神  
遠適王孫的咳神無亟兮


倚碧櫺欵銅鋪德星在南烏尾逋兩峯隱天花深草蒨  
錢唐十餘萬戶皆看使君歡娛雖涉流沙歷炎都入醫  
無間不如東吳

龍飛天門雞鳴日觀湖州有鶴知夜半端冕結纓絳車  
施幪瞻彼孤山男呼女怨欲裂冕毀車春榮秋枯無翁  
愁予

雲冥冥雷闐闐橫玉轉流珠乾靈龜入我夢謂君當旋  
既窮海壖之炎天當飲山中之流泉

招魂

天孫招魂鬼伯催促千歲之淵不為谷巉崑既刊松栢  
桓桓曰惟君之魂于茲考槃其永安君寔初成余以歸  
藏筮之其兆蓋如此也嗚呼休哉



江湖小集卷五十九

欽定四庫全書

集部  
江湖小集卷

六十五  
六十四

詳校官中書臣張桃成

助教臣常循覆勘

覆校官主事臣龔敬身

校對官助教臣胡予襄

謄錄貢生臣孔繼峯

欽定四庫全書

江湖小集卷六十

宋 陳起 編

危稹巽齋小集

借詩話於應祥弟有不許點抹之約作詩戲之

我有讀書癖每喜以筆界抹黃飾句眼施朱表事派此  
手定權衡衆理析畎澮歷歷燦可觀開卷如畫繪知君  
篤友于因從借詩話過手有約言不許一筆壞自語落  
我耳便覺意生械明朝試靜觀議論頗澎湃讀到會意

處時時欲犯戒將舉手復止火側禁搔疥技癢無所施  
悶懷時一噫只可捲還君如此讀不快千駟容可輕君  
抱亦少隘昨問雞林人尚有此編賣典衣須一收吾炙  
當痛嚼

上隆興趙帥

買宅須買千萬鄰李雅喜得王僧珍買山百萬復誰與  
襄陽節度真主人我生兀兀鑽蠹簡不肯低頭殖資產  
綴名虎榜二十年依舊酸寒廣文飯綠鬢半作星星華



豈堪風雨猶無家大鵬小鷄各自適只有鴻鴈長汀沙  
弟昆團欒雖足樂老屋蕭條不堪著玉堂便是無骨相  
也合專儂一丘壑近來卜築窮冥搜十里而近依松楸  
驪龍塘上鄧家丘半山老人所釣遊半山天下文章伯  
鄧家聲名亦輝赫斷碑猶在古牆陰好句曾經寫山色  
買鄰得此天所予獨欠山資無覓處平生罵錢作阿堵  
倉卒呼渠寧肯顧君侯地位高入雲筆所到處皆成春  
萬間廣廈比許遠豈無一室棲貧身王鄧故處為鄰曲

更得趙侯錢買屋便哦詩句謝山神飲水也勝樽酒綠

鶴

楚楚雪衣明烟霞徑裏行不官陶令野有節伯夷清一  
見消塵慮相親長道情秋風著梧葉時作九臯聲

王架閣夙有碁癖嘗於和篇中譏其不工架閣  
頗諱惡其說復次韻戲之

劉伶耽於酒淵明玩於菊君乃癖於文愛碁尤更篤文  
高新掌故棋只前秘讀我昨却萊兵書法謹夾谷不知

君諱之護名如護玉恥鼓趙王瑟欲舉漸離筑明發疾  
呼予開枰數反覆盛氣欲吞敵厲響亦驚俗失利頽湊  
頗得雋喜填腹勢固健於常年終弱於僕君名高天下  
此特一不足小負毋重事旁觀有靜矚大明昧於小月  
固不勝燭切勿罪劉五此筆兢所錄

時涂任伯亦頗短  
架間之碁而和篇

言不工者實予也架  
間乃歸罪于任伯

### 題楊妃牙痛圖

痛入香齟是不禁三郎心痛亦何深當時更有唇亾處

自是君王不動心

挽同年胡司門

期集盟惟舊交承契更深雨聲春共酌燈影夜同吟接  
武方堯殿招魂遽楚音尤憐哭君日來納昔時金

藕花中未開之荷穿葉而出

風清宴瑤池正擁萬姬醉忽有青衫人穿仗獻封事

春日有感三首

封彌院中作

春入長安百萬家湖邊無日不香車一株柳色吾無分

看殺庭前薺菜花

看書數葉眼花前推過熏爐去打眠  
五十壓頭衰白盡  
書無靈聖事茫然

情知老却流鶯了爭奈狂如蛺蝶  
何尚有紫微紅藥在  
佳人休唱怨春歌

上雷漕

破裘芒履晚山前手抱烏桐白玉絃  
聞道知音在高處  
一聲彈入紫微天

經從豐城謁于房州于令侍姬歌舞進酒二首  
蛾眉對歌舞涼伊舞身還逐歌聲齊捲花萬段忽進酒  
鬪高蝴蝶飛來低

更有佳人在空谷能唱春風天上曲何時得上金玉堂  
一聲飛度龍吟竹

送劉帥歸蜀

後溪先生也

萬水朝東弱水西先生歸去老峨眉人間那得樓千尺  
望得峨眉山見時

贈書肆陳解元

巽齋幸自少人知  
飯飽官宜睡轉宜  
剛被旁人去饒舌  
刺桐花下客求詩

兀坐書林自切磋  
閱人應似閱書多  
未知買得君書去  
不負君書人幾何

題吳淑妃真子

海靜江澄玉雪腮  
何年和月下瑤臺  
卷中不敢端詳看  
曾得君王一笑來

春日即事

麥風翻隴潑濃綠  
花露滴枝粘老紅  
小立樓頭檢春事  
一絲暖日墜青蟲

聞鶯

天上金衣侶還能貺  
草萊風流晉王謝  
言語漢鄒枚  
公等久安在今從何處  
來山禽正嘈雜  
慰我日徘徊

送孫行之出守衡陽

日日江頭送客行  
況聞君去作專城  
心存臣子無中外



士繫朝廷有重輕  
諫疏滿懷推上道  
中原萬事想關情  
戎葵到底還傾日  
側耳衡陽來鴈聲

挽月湖二首

天胡奪我老先生  
軒冕叢中玉雪清  
英石數拳歸艇重  
月湖千頃世緣輕  
雲山買得無餘俸  
句法流將不盡名  
頭白賈生非不遇  
所言向已畧施行

詔書屢趣入承明  
黃閣前頭不肯登  
苦欲歸休同野老  
本來清淨是禪僧  
苔生文塔今成古  
影挂山房喚不應

猶想經行泉石處倚嵒憔悴一枯藤

送晁告院得南康

我是康廬舊冷官癡癡今尚憶雲端山將草色到天碧  
泉帶松聲出谷寒仙觀幾年留鶴隱古潭有日起龍蟠  
使君肯著詩料理乞我蠻牋半幅看

上趙總領

趙猶記向來未改之名

一見煩公道眼明懸知徹底五湖清豈期天上張公子  
猶記當年劉更生幾度夜深流水操無人心認斷腸聲

平生不面却相識黃鶴樓前今一鳴

補遺

牽牛花

青青柔蔓遶修篁刷翠成花著處芳應是折從河鼓手

天孫斜插鬢雲香

全芳備祖

接客篇

接客接客高亦接低亦接大兒穩善會傳茶小兒踟躕  
能作揖家人不用翦髻雲我典唐書充饌設唐書典了

猶可贖賓客不來門戶俗

后村詩話

郭公篇

郭公郭公聞爾失國春秋時何事到此猶悲啼郭公前  
言亡國故當時祇緣臣子誤百年社稷不得歸而今家  
住柘岡西滿目春風都是恨聲聲說與齊侯知郭亡矣

君勉之

后村詩話

婦歎

記得蕭郎登第時謂言即日鳳凰池而今老等閒官職

日欠人錢夜欠詩

后村詩話

送柴中行出守章貢

力為君王乞得州補天未了石還收  
人才自係國輕重吾道亦關公去留  
殿角纔辭槐影日船頭便轉荻花秋  
競誇祖帳東門外誰識攢眉杜甫愁

豫章詩話○宋史  
嘉定中柴中行去

國楨作詩送之件  
宰相出知潮州

江湖小集卷六十

欽定四庫全書

江湖小集卷六十一

宋 陳起 編

羅與之雪坡小藁

短歌行

金谷桃李叢  
畚鍤費培植  
寒冰猶未半  
花葉已蕤蕤  
貞松生南山  
石老厥土瘠  
春回氣尚淺  
生意幾欲息  
東皇本無私  
託根異形色  
曾謂天地功  
不及冀壤力

寄衣曲

憶郎赴邊城幾穀秋砧月若無鴻鴈飛生離即死別  
愁腸結欲斷邊衣猶未成寒窻剪刀落疑是劍環聲  
此身倘長在敢恨歸無日但願郎防邊似妾縫衣密

舟次赤壁

吳王峴畔泛川流赤壁磯頭半日遊勝地空餘豪傑迹  
扁舟不載古今愁極知風景終無異莫念天時逝不留  
往事傷懷長太息靜看江雨沒浮漚

東擔



東擔出荆扉，征塵滿敝衣。  
人憐雙鬢改，我悟半生非。  
抱璞今誰訴，知音古亦稀。  
尋思無一可，吾道欲安歸。

旅思

荏苒秋光老，空濛曉色奇。  
霜嚴雀語澀，風定雁飛遲。  
旅思荒烟底，鄉心野水涯。  
夢歸歸未得，愁極祇顰眉。

送春

政是風光欲別時，可堪烟外雨絲絲。  
怕看太白餘春賦，嫌誦淵明止酒詩。  
晝短擬教持蠟炬，愁深悔不下書帷。

自知無計能遮道任作園林隔歲期

黃鶴樓

暈飛棟宇據城端車馬塵中得異觀  
雙眼莫供淮地濶一江不盡蜀波寒  
老仙橫笛月亭午騷客懷鄉日欲殘  
獨撫遺蹤增慨慕徘徊不忍下層欄

玉梁道中雜詠

一別三會峯轉燭閱半紀山根石上苔已沒  
舊屐齒摩挲青青松彼樹猶如此  
睠言枕清流為洗囂塵耳

清商從西來刺刺滿林塢草木儵變衰柯葉不相顧昔  
時翳空雲今作連山雨菊花猶強項籬邊爭媚嫵

片石能邀人憩此雨足趺忽逢黃冠師對語白雲歎眼  
中景物饒恨我蓬華遠躊躇不忍去泉石尚可剪

峭壁圍莽蒼荒谿人削迹時聞蘆葦叢野鳥話岑寂浮  
生雖有涯幽討當無極御風獨長嘯此心謝鞿鼻

曉霜媒薄寒巖壑失故綠輕飈振槁葉唱徹陽關曲秋  
光何足憐嗟此歲事促愁吟思無聊日沒西山麓

泠泠澗底泉破碎山翠被似欲留佳客曲折二十四我  
行無定止蠟屐信所詣偶來儵舍去乘興聊復爾

支枕郁木山月色瑩如洗林幽枕席清景勝夢遊偉丁  
當鳥忽嗥令我驚欲起金丹事可期永願供薪水

乾坤掃陰霾晴色敞幽谷山川薦秋容奇秀若可匱千  
巖寄一筇萬里付雙目行行翠烟中日與清景逐

濛鴻玉梁境縹渺雲霞仙月壇白雲洞遺址空依然千  
年唯辭石蹲踞秋山烟徘徊莫可覓酌盡丹井泉

塵坐不可奈飄然入林垆稍覺道心勝漸至詩脾清靜  
極生孤愁耿耿難為情喧寂兩莫愜吾意何由平

春殘

林端啼鳩損年芳洞口空憐野水香人與落英兼寂寞  
蝶隨飛絮兩彷徨不因花事榮枯易未覺春工代謝忙  
却愛曉來風日暝綠陰千丈漾橫塘

絕知

羈旅日騷騷人間事若毛絕知操筆誤深羨把犁高百

歲纔能幾終朝強作勞虛名竟何益肯把換蒲萄

登玉笥山投龍洞

捫蘿入幽谷眼累益崢嶸石壁斷人跡泉流間鳥鳴日  
高雲未散秋晚草猶榮坐久無歸意悠然世念輕

閒立

晚來閒立小谿邊看徹遙峯入紫烟四壁儘堪供我隱  
一寒未至乞人憐功名不與尊前事時序寧知局上遷  
可笑區區當世士滿懷冰炭苦相煎

下第西歸

拋却銀袍製芰荷  
春風一曲紫芝歌  
古來至寶多橫道  
何事荆山泣卞和

才難濟世甘避世  
心不愁天惟樂天  
林下山間深密處  
曲肱飲水興悠然

江行阻風小市

弭棹黃蘆外  
江雲遶柂牙  
寒深身軫粟  
風急浪生花  
日暮人收市  
年窮客念家  
倚蓬無可奈  
忍見後歸鴉

遊春

春濃無處不相宜  
草暖雲昏二月時  
蝶舞花梢風細細  
鶯啼柳底日遲遲  
摸將景物歸詩卷  
判得光陰付酒卮  
箇裏各隨人有得  
五陵豪俠豈能私

始見

雪後寒猶勁  
書窓怯暫開  
因沽江畔酒  
始見竹開梅  
歲月崢嶸去  
衰頹次第來  
誰能憂許事  
杖履且徘徊

山行



狂飈卷雨辨朝曦似與新詩有會期  
秋水秋山秋草木  
渾將乞與數篇詩

烟草淒迷露未晞一筇伴我立晴暉  
丹楓雖老猶多態  
散作漫山野蝶飛

旆旆黃茆潑眼明荒郊盡日絕人行  
誰知氣象蕭條處  
賸有山川可鼎烹

槁葉忘身絕澗流蘆花搖手欲風休  
羨渠山鳥渾無事  
相對飛鳴草樹秋

片雲輕度半巖陰，中履俄驚翠靄深。  
澗底寒泉知害懶，石根漉漉自長吟。

烏藤落手野烟開，水秀山明入望來。  
舊日經行曾著語，試看石壁已莓苔。

盡日留連興未闌，寒鷗背負夕陽還。  
遙知今夜空惺夢，只在江南水石間。

客裏

客裏愁濃處，秋宵月欲斜。  
雁聲頻到枕，蝶夢未還家。  
世

有多岐苦人因一念差遙思林下去蓑笠釣烟沙

寄玉筍蕭高士

滴露謄真誥蕭然莫與羣新詩高似月世念薄于雲俗  
走堪憐我閒眠極羨君唯餘綠綺韻惆悵未曾聞

尋芳

尋芳自勒青絲鞵日暖烟濃春意重晚來被酒臥花陰  
流鶯喚醒東風夢

桂花爛漫一夕敗于風雨呼僮掃落英以供香

事戲作古句

小山涼風高秋氣遠庭砌江南山水秀鍾此數叢桂亭  
亭蒼虬蟠磊磊粟玉綴薰染風露香擺脫脂粉媚芙蓉  
已無秋籬菊極羞媿幽芳蕙百畝香味亦瑣細孰知標  
格竒自取造物忌狂風挾怪雨族滅無噍類纔憐金作  
屋俄驚粟布地姿容就枯槁氣骨尚竒異如彼死諸葛  
凜凜有生意試炷博山火來叅烟一燧

喚我

晴空喚我出柴扉  
山色留人倚落暉  
春意已隨流水去  
晚風忍挾亂花飛  
尋思樂事惟心在  
惆悵良辰與願違  
尚有扁舟竒絕處  
江南水煖鰕魚肥

客行

客行困泥淹  
山堠不勝長  
就使雨點暴  
更令風力狂  
時危嫌店遠  
日暮覺程忙  
身世推顏甚  
艱難已備嘗

山居閑思

雲散山月吐  
星稀山月高  
相羊風露底  
望月誦離騷

菡萏兒女態春鋤金石交曉來微雨過涼思滿蒲梢  
雨作糟床注秋生鱸膾思卷簾了清景流水裊烟絲

夢迴

酒薄難成醉輕寒襲破衾夢迴孤客枕聽徹草蟲吟寂  
寞三秋夜淒涼一片心山林與朝市底處豁愁襟

夏雨

飄忽回風起差池高鳥翔雲攬千嶺碧雨獻一天涼飽  
意歸田畝歡悰入醉鄉忽思素秋氣蕭瑟滿空堂

展轉

郵亭徹夜聽秋聲  
展轉藜床直到明月白  
霜輕寒剪剪  
築成萬里客愁城

寄企梅兄

朱墨叢中不憚勞  
驕然聊試發硎刀  
得時行道官無小  
與物為春政自高  
閑對崆峒餐秀色  
醉濡章貢助吟豪  
自憐無計相從去  
十八灘頭泛一舸

中秋步月

林間一葉秋屏去三伏暑凄然風露繁締絡莫能禦炎  
涼相推移胡為遽如許孰知秋已半今夕四十五

幽人披襟來步此一庭月如渡滹沱水似泛山陰雪誰  
將羌管急間彼隣杵切冉冉秋思生令人欲愁絕

空山本無塵况復值良夜風清月色佳圭璧不當價徐  
行苔徑間小立林影下飄飄意欲仙舉手人世謝

光陰若劈箭行樂常恐遲人生百歲客擾擾竟何為四  
美古難并千年調亦痴麴生不我棄邀月聊自怡



景物與意會然髯聲悲鳴一語得總持萬狀就使令以  
我詩思苦賞他秋月明今夜月明裏幾人同此情

姑蘇道中

滿眼菰蒲翠撲衣雙雙沙鳥漾斜暉閑愁一段如冰釋  
楊柳叢中亂酒旗

信步

信步獨幽尋春山野霧深鳥啼如喚僕泉響似鳴琴日  
暖草爭秀風狂花不禁却嫌荒僻地無酒與春斟

泛舟秋懷

白露消磨暑丹楓點畫秋  
閑吟小山賦歸思大江流  
世盡營三窟人誰樂一丘  
蓬窻有佳致月朗正風休

木犀花

金粟如來澗壑姿不隨桃李赴春期  
江南花品秋居最  
何況秋花中絕奇

湯沐晴空顯露繁清香十里壓梅檀  
紗窻夢覺秋風度  
疑是秋家住廣寒

秋景連蜷隱士攀  
渾無蜂蝶沈林間  
何人說與陶元亮  
未必東籬勝小山

山行愁思

日落烟欲橫  
山寒翠將滴  
荒村渺愁人  
跬步觸四塞  
路遙兩髀酸  
頗恨身不翼  
舍策還悵然  
倦倚松下石

明月印野水  
暮色進旅愁  
僕痛主亦疲  
心口相怨尤  
茅舍劣容膝  
弛擔聊小休  
會當理歸策  
甘彼窮山囚

夜宿郁木福地  
倘徉明月間  
遐想仙風得  
五十

金字四角全言  
卷六十一  
六字

騎氣乘雲事已灰  
娟娟野月照蒼苔  
自憐不及壇前石  
曾遇仙翁躡屐來

淒涼風露濕人衣  
猶自踟躕未忍歸  
樹影忽來山月轉  
誤驚鶴翅似輪飛

閒居遣懷

日暮掩松關  
悠然謝往還  
停盃因待月  
徙倚為看山  
貧  
悟道中樂醉  
偷忙裏閒  
耳根偏可意  
風澗響潺湲

寂寥

睡起和春倚小廊  
寂寥情緒滿斜陽  
園林已是花飛急  
簾幕爭禁燕語忙

江湖小集卷六十一

欽定四庫全書

江湖小集卷六十二

宋 陳起 編

羅與之雪坡小藁

書感

設險重門未足憑民心應是有長城朝廷休戚視田野  
宗社存亡非甲兵氣實精神寧敝竭本枯枝葉可敷榮  
古人經理先觀勢兩臂于韓孰重輕

蛾眉亭

悠悠飛鷺滿汀洲絕目蛾眉最上頭對此江山還有月  
知他世界盡無秋情懷杜老鄜州夜景物坡仙赤壁游  
長歎劃然空谷應風生浪湧不容留

動後

莫作楊朱泣路歧此心自被利名移車奔寧是駕尼父  
舟覆應非載伯夷出說難悔吝從來生後日嘯歌元祇在  
閑時可憐秦晉功成者欲避危機已太遲

文到



簡編香外兩孤翻翰墨場中春日暄文到工時疑有助  
道逢極處本無言當年誰可輩任昉後世人方怪屈原  
勿謂詞章真小技精粗微妙豈殊根

臨流

習習涼颼起素波臨流解帶小婆娑秋光已共蘆花老  
夜雨那勝落葉多不覺儒酸同糾纏極知妄想盡銷磨  
笈中班史猶堪質肯作商聲甯戚歌

鳳凰臺間眺臺前瞰軍壘有感而賦

金定四庫全書  
卷六十二  
秋風攜野客杖履鳳凰臺忍見貌貅成更聞鴻雁來時  
方憂大厦世豈乏良材何日覽輝至龍文載九垓

為言

日薄寒濃春意微花鬚柳眼尚依稀為言羯鼓休頻打  
催得先開即早飛

秋林

秋晏玄雲替積陰平蕪氣象極蕭森細看搖落風霜意  
已見發生天地心畢竟栽傾非外致豈伊培覆自相尋

若教宋玉曾聞道九辨悲思未遽深

臥疴

六塵緣影正堪嗟二豎乘虛勢益加憶昔鼻頭能出火  
即今眼底已生花婦言伐性多因酒醫戒傷生少試茶  
悟罷本來安得病角弓誰使認為譁

題采石李太白祠

仙翁謫墮岷山下逸氣如虹耿林罅萬言倚馬不作難  
坐令神鬼皆驚嚇赫翹翹車乘懸弓旌疇咨時政肝膽明

和番書草金鑾殿清平詞度沉香亭聲華視漢媿黃綺  
寶床賜食龍顏喜掉頭歛作燕晉遊却笑卿相紆朱紫  
開元盈成亦已極屏間山水代無逸未必脫靴恨爾深  
自是見幾不終日錦袍錯落浮扁舟呼兒買酒盟江鷗  
天公似悔夜郎禍明月已起烟波愁采石青青三尺墓  
至今祠祭勤呵護

長至書意

萬草千花若死灰陽和一氣已潛回莫言舉世無先覺

幾處寒梢放野梅

商過三首

東風滿天地貧家獨無春  
負新花下過燕語似譏人  
白屋釜生魚青樓行細膾  
靜思天地間寧有私覆載  
門前桑柘枝中有千錦機  
遊人不迴顧桃李獨成蹊

却羨

貴客寧知拂徽琴  
郢人漫倚引商音  
那堪歲月化雙鬢  
空有悲歡寄寸心  
囊底有方餐白玉  
床頭無術致黃金

抗塵走俗曾何補却羨鷓鴣託一林

三高亭

灼灼曾暉漸欲西長橋弭棹倚欄時湖光渺漭浮寒鑑  
山色依稀抹黛眉一舸功成非本志三秋歸思亦何遲  
始終惟有天隨子笑却旌招理釣絲

花下嘆

人生何處較窮通天意原難測始終花落花開翻覆手  
君看同此一春風

林深

林深氣雜不相關  
衆建芳馨兩廡間  
月樹琴彈新製曲  
曉窻畫展舊遊山  
淒涼風滿竹千箇  
的鑠春歸梅一斑  
可笑野人無繫累  
機心猶在釣魚灣

纔是

忍看繁紅委路塵  
空餘野草綠無垠  
人生憂樂何終極  
纔是迎春又送春

一夜

潦收野水靜雲陣布重陰一夜西風急千山落葉深身  
猶衣暑服耳已厭寒砧對此無心者還應雪滿簪

寄遠詞

寒梢蕭索風振林螿蛄切切語欲噤終宵展轉不能寐  
遙憶良人戰場裏陽關一別歸無期翠烟幾度秋螢飛  
當時手種合歡樹今已蒼蒼雲雨垂蜀錦裁書憑鴈寄  
那能道人意中事深秋倘得未移軍猶見幽閨數痕淚  
居延城外刁斗聲無定河邊霜月明妾身雖老幸未死



何日中原賀太平

被酒

人間笑口信難開  
十事嘗嗟九不諧  
忙裏始知閒氣味  
老來方見少情懷  
清商慄慄歲無幾  
玄髮蕭疎生有涯  
誰謂伯倫聞見滅  
却甘麴蘖自沉埋

衛生

屏去難壅與豕零  
試聽我誦衛生經  
兩忘寵辱心源靜  
一掃榮枯眼界明  
醜毒不令生厚味  
姦邪寧使出繁聲

冥鈞深養靈根固四體調和血氣平

瀟湘道中

客行適瀟湘淒其歲行晏枯梢風騷勞荒郊雲濛漫  
撼雨聲急皚皚雪花燦抽縈泥途深渺默山堠遠日暮  
欲稅駕天未扣孤館米盡甑生塵薪濕火不煖此意對  
三閭似結兩重案人生如空華百歲等抹電那忍聽客  
塵日夜苦相煎懷安名所敗飽食親孰顯恭承古昔訓  
險阻庸敢憚信知有此身乃是一大患愁深不能寐歌

長未及亂門前車鐸鳴翰音復號旦

看葉

紅紫飄零草不芳始宜撰杖向池塘看花應不如看葉  
綠影扶疎意味長

談道

休將視聽探希微衆妙何嘗間險夷舍一而求非恍惚  
自三以究豈支離試看瓦礫道寧隱若外筌蹄思益竒  
熱即取涼寒向火是中消息幾人知

己亥中秋

此行不負中秋夜采石江頭醉及晨獨御涼風尋古迹  
驚看明月照今人詩騷寂寞雖云久光景推移豈解陳  
却恠悲鳴營度處筆端何事竟無神

虎溪

衝歔吹客襟飄拂虎溪渡遠想三咲時此意固有寓孰  
知秘密藏奚聞笑默語繩繩徹上下綿綿貫今古東林  
鐘聲幽康廬山色嫵是皆善知識長時相警悞世人自

合塵兩耳聾莫覩百千微妙意墮在一毫許我行發深  
省如重睡忽寤向人欲舉似有舌不能吐

默坐

厭調鞍馬佩金壺默坐空窓氣晏娛已覺胸襟亡得喪  
那知花草就榮枯絃何庸絕琴寧有聲未曾銷塵本無  
此語倘教遊子聽料應笑我一何愚

倦倚

蟬聲燕語細相和池面纔浮點點荷倦倚闌干消永日

葡萄陰薄柳風多

此悟

遑遑偶偶亦堪悲  
桀死堯生畢竟齊  
空羨駝峯烹翠釜  
漫思鱸膾拌金齏  
榮華代謝看荆棘  
今古推遷望澗溪  
物化密移於此悟  
長歌拾穗任天倪

江湖小集卷六十二

欽定四庫全書

江湖小集卷六十三

宋 陳起 編

趙希樞抱拙小藁

天屋歌為盧洪賦

霞扃雲牖高隆穹八荒四野垂簾櫳義璘勃率行西東  
茫茫塵世如飛蓬玉川公子乘清風飄然據作吟詩宮  
穿心出脅千萬語叫開閭闔驚蒼龍銀河瀉入北斗柄  
醉來擲下琉璃鍾僊人王喬作鄰伍馮軒共咲噓長虹

旌陽拔宅想亦在千年萬歲都  
洪濛君不見阿房結綺  
今何許劫灰一丈漫秋雨

次韻李鶴田德真寄遠

長安日下浮雲生故人久作西南行  
漚邊兩載音訊絕  
鬢絲應與秋風爭蒼苔冉冉荒茅屋  
愁來忍把離騷讀  
驚鴻剛自墮邊聲碧嶂那堪遮  
遠目青雲高處期翱翔  
去人歲月今堂堂吳鉤拂拭霜雪冷  
龍光飛躍秋天長  
思君一夜離心折東樓又送無情月



道民金氏居

碧港雖通邑紅塵不到門  
桑麻唐杜曲雞犬晉桃源  
山遠雲千點天寬月一軒  
居人非隱者吾欲叫東園

竹閣

古寺因人重清風尚可尋  
斜陽明晚閣老竹暗秋林  
兜率西歸久香山北望深  
登臨成感慨烟月獨知心

游臨平乾洞水洞

兩洞深如許神龍此莫居  
山空僊去久路嶮客來疎  
風

雨千崖暗雲烟四壁虛自揩巖石薜閑把姓名書

雪

不是春風柳因何絮客衫一雲同萬里半夜失千巖征  
馬寒蹤印飢鷓凍吻緘江心一片白知有莫歸颿

送詩僧隆瘦岩

五載京華客山中坐得牢禪心天竺石吟思浙江濤入  
派名隨重游方步轉高秋風飛錫遠相憶讀離騷

送自牧黃監鎮之官四安

桃花春浪急催上雲溪船湖海稱佳士功名負壯年政  
平民易感詩好客爭傳別後加餐飯因風寄一箋

秋夕

霄虛白露溥木葉下危闌月澹鐘聲曉燈青劔影寒人  
心山莽莽世事海漫漫消息中州斷西風望眼寬

中秋

白露溥空萬葉飛生香渾在桂花枝一千里月正圓夜  
九十日秋纔半時湓浦風流元亮興鄜州牢落少陵詩

不妨吟盡蟾蜍影此別分明隔歲期

送李鶴田東游後還鄉

劍倚梅花鶴夢醒東游吟骨帶霜清  
台山路杳神仙跡  
楚國書來母子情半榻烟霞應有約  
一筇風雪且兼程  
丁寧及早催行李莫待西湖草色平

江湖偉觀

茆屋巋然占上方一尊同此寄相羊  
江潮翻海莫天濶  
湖水拍隄春草長莽莽越山凝紫翠  
摇摇蘇柳間青黃

歸鴻影裏闌干晚回首中州入渺茫

送譙岩趙日休歸蜀

烟塵渺渺暗魚鳧有客翩然赴上都乞得玉宸新翰墨  
要還琳宇舊規模十年蠲賦綸恩重萬里歸程劍影孤  
他日青城公案了紫雲深處勘陰符

春雪

飛下瑤天整復斜一番餘凍損芳華荒荒月曉三千界  
漠漠烟寒十萬家柳外直疑先著絮梅邊渾似後開花

東風吹作巴江水浩蕩龍濤赴海涯

秋懷次韻

雨歇空階淨綠苔西風涼氣滿樓臺鴻飛遠渚知初返  
燕別明年約早來秋色祇今同世態時文何意悞人才  
停雲影裏頻搔首閑把新吟取次裁

春莫

薄薄寒侵酒面和可憐春事委流波兩隄楊柳東風老  
一曲池塘夜雨多花落鶯聲還在否桑空蠶事又如何

壯心不逐流年去倚劍青天發浩歌

寄黃溪雲

十年成遠別幾度上高樓風遞江南信雲消渭北愁春  
心驚海燕曉夢入溪鷗何日西窓燭相看說舊游

九日懷友

江蟹初肥天欲霜莫雲紅樹寫秋光西風攜手登臨地  
今日黃花兩處香

釣者

卷六十三  
河豚荻筍春風老鱸膾蓴絲秋水寒多少侯門天樣闊  
筭來何似釣船寬

過臨平

市井蕭條景物非  
居人猶號永和隄  
春山十里斜陽樹  
漠漠殘紅杜宇啼

吳道士釣雲

澹溪溪上一竿絲  
牽動閑雲片片飛  
折盡柳條穿不得  
荷衣裹向碧山歸



次雪林李龔苕溪寄來之韻

雲散烟收渺渺秋  
蛩聲四壁起新愁  
西風萬里乾坤眼  
不到斜陽十二樓

風梧聲裏萬家秋  
一片吟心不著愁  
夜半酒醒銀燭冷  
月移涼夢過西樓

賦墨鴈圖分得宿鴈

漠漠秋汀起晚烟  
半欹寒影立風前  
月明應有蘆花夢  
飛遍江湖萬里天

次蕭冰崖梅花韻

冰姿瓊骨淨無瑕  
竹外溪邊處士家  
若使牡丹開得早  
有誰風雪看梅花

湧月僧樓

百尺闌干古櫟林  
亂山如浪翠痕深  
冰輪飛上光猶濕  
照破西來一片心

秋夕

西風梳髮冷颼颼  
半醉微吟獨倚樓  
一片舊時南浦月

清光猶印別離愁

半枕小窓幽夢蝶  
數聲何處寄書鴻  
關山千里人歸晚  
腸斷烟林一笛風

春游

夢冷繁華金谷園  
春深葵麥暗朱門  
東風日日吹花急  
紅雨蒼苔泪幾痕

蝶懶鶯暗欲莫春  
更兼風雨別愁新  
天涯草色深如此  
憶得淮南有故人

湖中曲

長眉柳葉交青條  
玉花嬌面垂雲髻  
湖波藍色春寥寥  
大隄新曲干銀霄  
翠絲絡馬金褭腰  
香風隨步烟飛飄  
芳亭深杳傳金貂  
一笑嫣然輕百綃  
驪娛未了日晷短  
城鼓咿咿續復斷  
鳴鞭夜月入雞關  
碧山皎皎水潺潺

春陰曲

東風吹雲寒九有  
凍龍迷海亂飛走  
雨脚斜拖入遙阜  
碧草浮烟滿隄口  
春皇妙運造化手  
解使江山失妍醜

冷色禁持萬花柳紅紫未張春國壽愁春織心心物物  
為花訴冤天聽否晴曦赫赫重陰剖夢裏桃源拚載酒

江湖小集卷六十三

欽定四庫全書

江湖小集卷六十四

宋 陳起 編

黃大受露香拾藁

夏侯湛周詩成觀者歎曰此非徒溫雅乃別見孝悌  
之性淵明高臥北窻興寄篇什平生

闕

心

之死靡變古之君子其於天命民彝三綱五常大倫  
大法之所在講切惟明踐行惟謹志之所至詩亦至  
焉是豈指擢雕鐫作春庚秋蟀之聲者所可跂及露香

居士黃公以詩雄江西繇幸甚從令兒載伯厚得端  
誦卷許清麗瓌特自成一家而繇所甚敬者憂時愛  
世奉親誨子忠孝慈仁之意備見乎辭而長江圖一  
詠居然有萬里之勢其志念深遠矣沉鬱下位百弗  
一究抑命也夫盱閩地相犬牙師友淵源可溯可挹  
居士飽參有得造詣不凡非固以是資為詩也伯厚  
奉命從李烏洲學朱子之學克廣先志以光昭于今  
聞其在此乎淳祐改元夏五翁洲應繇序



春日田家三首

凜寒陵熙春誰為禦其侮酸風吹積雪濃雲洒飛雨農  
夫荷耒耜俶載耕斥鹵為其有身累寧免自辛苦妻兒  
送中飯凍凌強欲吐晚歸極困倦倒睡帶泥土朝來天  
光開紅紫新媚嫵南園踏青人日暮猶歌舞

二月祭社時相呼過前林磨刀向猪羊穴地安釜鶩老  
幼相後先再拜整衣襟醜酒卜筮珥庶知神靈歆得吉  
共稱好足慰今年心祭餘就廣坐不間富與貧所會雖

里閭亦有連親姻持殽相遺獻聊以通慇懃共說天氣  
佳晴暖宜蠶春且願雨水勻秋熟還相親酒酣歸路暄  
桑柘影在身傾欹半人扶大笑亦大嗔勿謂濁世中而  
無義皇民

清明百草春家家上丘墓南鄰去年冬禍痛及翁嫗酒  
殽羅新阡蹙額見追慕舊時細君墳望見淚已注紙錢  
風飄飄世用此文其間無紙者已無子孫故有紙與  
無紙百步五十步

偶成

高唐作夢時宋玉乃得見那知賦說夢夢外雲雨怨此  
賦苟不作應無列女傳

蕨薇生山巔長不踰蓬蒿松柏生澗底歲久還干霄稟  
質自不同托身奚必高

綠草何自來蔓延滿中庭前朝方芟夷茲視忽已盈竹  
間幽蘭花數四移乃成

讀四皓傳

白雲茫茫歌紫芝人間無路瞻龙眉太子介使招忽往  
高祖問省心先知翁身商山名八極此時不出漢事危  
敢惜雙足惜漢鼎非私劉氏私黔黎欠呵千年橘中碁  
華陰墮驢者為誰

老蹇行

逆曦以蜀叛安侯以容平之曦類  
其家聲玠璘保蜀之功莫贖也

朔風狂驚岷峨流帝敕雲螭藩四州領珠千載化老蹇  
一變為回鑄川鍵蠶叢箴弄幾為翻欲捲全蜀淪腥膻  
瞿塘下連滄海脉愁積溟漲牽鰲極臣冰呼天天不聞

快斥金翅清江氛連環不解萬古鐵陽侯依舊千江月  
紫庭登奏尤其元西州之功不補愆清源血食天地久  
其於冰兮亦何有

有勸清源君戒殺君曰非我意  
出水間守寨數萬鬼兵示之

### 昭潭寄內人

不接安書動隔年二十里外極懸懸老親強健知勤饌  
諸子癡頑恐費鞭幸有田園堪卒歲使知詩禮可無錢  
客中亦有風流罪長伴梅花對月眠

### 由洞庭入五田

一汀紅糝蓼花天  
滴滴清寒曉露圓  
回首洞庭山半點  
傷心桂嶺路三千  
詩魂夜寄青林月  
漁唱聲回綠樹烟  
却笑陶朱不如我  
我無西子與同船

油口夜飲醉臥一室  
及覺三鼓矣秋夜新冷雨  
濕蟲鳴展轉不能成寐  
於是浩然有歸志

一榻儵然著醉儂  
沉沉清夜大槐宮  
夢回作惡酒氣重  
枕上不眠歸興濃  
點滴落堦添悶雨  
清哀遶壁訴寒蟲  
計行良未成  
端緒何處高樓撞曉鐘

沙頭秋晚

霜風吹凍玉池冰，留滯周南尚未行。  
病久故園千里夢，夜寒孤舍一枝燈。  
愁緣南賈歸舟影，心斷黃蘆落鴈聲。  
老劍已闌頭已白，祇堪吟詠課歸程。

竹

虛心懷月明，勁節挺玉立。  
豈是外春風，春風無處入。

宿岳陽張漕書堂

雲低風轉冷，黯黯起秋陰。  
薄暮細雨過，小窻寒氣侵。  
關

山千里夢骨肉十年心病意兼歸意攢眉寫萬金

廉泉

一泓落古寺三尺開方池懷山決瀆後爍石流金時君  
看此廉泉不增亦不虧烟烟玉色透燦燦金沙輝竭來  
臨古亭石銚行相隨呼童試春芽活水烹新奇一啜利  
喉吻再啜心神怡冷然清風來玉液通華池憶我心地  
初與水同一幾心泉本無事何必希夷齊曰泉已強名  
況復有是非一笑付自然貪廉吾不知



寧化白水磔甲子春

雪瀑從天下餘流亦建瓴雙崖秋氣逼九地殷雷聲虎  
穴山川險蛟涎草木腥負鹺由此徑異日不堪行

晚步

扇小葛衣輕風清草露平水聲逢石怒烟素近山明喚  
犢牛回顧驚人犬倒行耨夫方到屋月已屋頭生

荊州人種秧擊缶于田間以樂農者嗚呼其猶  
有先王之世之遺意歟

鼓聲響答正聲喧歌笑聲多日易昏尚有樂農遺意在  
要知此地近中原

呈魯齋提刑伯

散盡黃金與客休田園不為子孫謀白頭更自嫌多累  
尚有瀟湘萬卷樓

江行萬里圖

雪山西來接海白天之所以限南北誰人曾裹著輿圖  
揮斥荆吳入綃墨濃濃淡淡兩岸山烟波瀾茫江面寬

水空漠漠鳥飛絕漸看漸遠天漫漫客舟泝流先後去  
風帆飽腹如飛舞有時小艇絕波來不知何處橫江渡  
鐘山隱隱開金陵雨花臺前留玉京汀洲劣處小孤出  
垂楊綠引潯陽城蘄黃紫翠照卷雪武昌樓臺半明滅  
周郎赤壁杳難憑洞庭寒烟濛孤月西江耿耿沙籀清  
三十六灣斜照明黃陵廟深楚山濶九疑成削黏天青  
我來展軸驚快覩恍然對面水仙府片時行盡江南天  
弔古何勞出門去南巡真人忘却歸軒轅龍去眇難追

咸池曲絕誰奏樂風雨啼痕滿竹枝六朝虎士工設險  
蹴踏滄波當揮劍血流不惜惜江流肯放飛埃過天塹  
濫觴曾聞蕩雍丘楫聲若為空悠悠江聲至今恨不盡  
枉白萬古英雄頭兩階干羽享波后八公草木今健否  
長安正在碧雲邊斜日西風重回首

梅川呈同舟游仲發時中流失舟故云

投晚鍾公渡放船急流送我轉千山羣犀戲浴江含石  
飢鴈悲鳴櫓下灘吟骨欲投魚腹葬夢魂那許蝶身閑

可憐八尺奇男子不作當年跛足看

遣載入閩從李守約

考亭高弟說烏洲小子何妨作遠遊  
問學再三勤講貫  
立身第一在操脩  
機心僅可文章用  
邪說毋從釋老求  
更做程文須典實  
年來華藻近輕浮

即事

路轉欹橋曲陰陰石磴低  
紫藤藟碧樹紅葉繡清溪  
草露明侵徑秋香暗刺衣  
前灘水聲好欲趁釣魚磯

織女虫

灑氣逼星河佳期匝眼過草間聞織急天上想寒多燭  
裏顰挑錦邊頭冷枕戈終宵弄機杼奈此月明何

早作

星光欲沒曉光連霞暈紅浮一角天乾盡小園花上露  
日痕恰恰到牕前

歸來

近日多騷客吾衰不可追松間哦魯頌花下看唐詩好

鳥山深語寒蟬日暮悲此聲良叶律新句總堪疑

公安

市人屋井底棟與江堤平大江壓堤來浩浩勢欲傾古  
堤騰長蛇獨與江爭衡積流增巨漲飄突萬馬驚油河  
與之合盤渦沸淵騰折旋聲洶湧吞汲翻長鯨微茫隔  
岸村百尺崩沙潁中流有行舟來往如飛蠅巨風推銀  
山性命鴻毛輕設險護東南天巧如揭繩用武莫若荆  
豪雄所交爭立德欲興劉於焉深經營坐據此要湍進

退窺敵情時事一阨塞拂衣開西局至今聞西偏城治  
餘丘陵湯湯橫乎前何畏百萬兵善衛保其吭坐待其  
師崩更能用吾長談笑收其羸何者非神機用之須人  
英機略失所用山川無常形休兵不敢論淒咽含餘情

中秋舟次沙津

去年中秋月照我入桂城今年中秋月送我到江陵桂  
林二千八百里城邊買船發春水瀟湘六月寒如冰洞  
庭湖中秋氣生峽江西來雪波急片帆帶雨烟中濕胡



鴈不來蘆葦秋風林浙瀝生人愁  
反思前年風露好月入金樽醉  
將倒如今飄落千萬山烟波瀾  
漫幾時還露香堂中千百瓊玉  
瓶取醉風吹夢今宵絃管鬧繁  
華燈火沙頭一萬家爭似詩翁  
弄江月微吟還自汲江花

鬱孤

臺高日欲暝晚眺眼增明  
疊嶂羅雲樹雙流抱粉城  
低浮烟萬棟清送月三更  
尚約秋吟夜江聲帶雨聽

病起

煮藥爐邊過一春，瘦骸唯與病相親。  
雨多藥裹易生暈，潤透巾紗懶拂塵。  
枕上最宜思過，青靜中倒得養精神。  
不辭小現維摩詰，只恐今無問病人。

枝江九日簡周宰

日車不照出郊車，門外天陰雲尚麤。  
青州未有居士供，白衣知是誰家奴。  
江山有恨橫飢眼，茱菊無情對臥壺。  
羸得開關吟苦句，定無人敢喚催租。

公安寓館夜立觀前用載韻

脩脩一古觀我到夜何其仙磬吟風殿幽人汲露池星  
沉螢聚水月倒兔懸籬四起鐘聲亂凌風欲化肌

秋夜讀書

青燈敞虛堂微風動衣襟兀坐耽塵編起觀星河沉古  
人豈可見所希見其心終然發永歎不寐鳴床琴

梅

自見梅開後相看不暫離只因愁落去不忍看繁時佳  
實美堪味遺音角可期牡丹專富貴春盡却空枝

杜審言黃亞夫之詩皆因其後顯文章有源委哉南豐  
黃君伯厚仕于鄆以詩鳴搜冥抉微時茁新意不肯為  
籬下語暇日出一編詩讀之如行澗谷秋空月曉松竹  
策策有聲余固異之已乃知其先君子之作源委深長  
矣而再世屈於右階會有知王適者其勿督過一丁字  
淳祐改元夏五吉日洞霄散吏鄭清之書

江湖小集卷六十四